

¡BOMBA!

Como que no vio el garlito y a Walther ya lo agarraron; eso sí, ya lo anunciaron, en esa lista está *Alito*



K'uintsil

Martes 1° de abril de 2025

CAMPECHE · YUCATÁN · QUINTANA ROO · AÑO 10 · NÚMERO 2449 · www.lajornadamaya.mx

Ts'o'ok u náakal maanal 2 mil kimen máak úuchik u tíitikubáaj lu'um Myanmar

Afp / 29
Oochel Xinhua



Tak le lunes máaniko', a'alabe' tu lu'umil Myanmar, xoka'an maanal 2 mil kimen'o'ob úuchik u péek lu'umi', beey tu k'a'aytaj jo'olpópo'ob te'el kaajo', ts'o'oke' u tuukulil u kaxta'al uláak' kuxa'an máak tu yáam le pak' nikikbal'o'obo', ku bin u p'iitchajal tu jo'oloj máanak óoxp'éel k'iin péeknak lu'um u'uya'ab tak Tailandia, lu'um yaan tu tséel.

Birmanail jo'olpópo'obe' tu jets'o'ob jump'éel semana ku yantal

luto te'el lu'umo', ts'o'oke' chéen chúumuk hastail kun ch'uykiinsbil u banderail "ti'al u chíikbesa'al láak'inaj yóok'olal kuxtalo'ob sa'atij, beyxan yóok'olal le beyka'aj ba'alo'ob k'aschajij".

Yaan u saajkil ka yanak uláak' ya'abach kimen'o'ob, kex tumen walkila' ts'o'ok u péeksa'al u yáantajil uláak' noj lu'umo'ob ti'al u yáanta'al Myanmar, úuchik u yila'al beyka'aj ba'al k'aschajij.

Jumpáay ti' le 2 mil 56 u túul máak jkiime', yaan maanal 3 mil 900 u túul máax ti'ob úuch loobilaj, yéetel uláak' 270 máako'ob láayli' saatalo'obe'.

"Jach talam yanik ba'al, le beetik talam u tsikbalta'al ba'ax le tán u yúuchulo'", tu ya'alaj Aung Myint Hussein, máax beetik u administradoril u mezquitail Sajja North.

Ya'abach máake' láayli' u wenel yóok'ol bejo'ob, tu maas náachil ku páajtal ti' kúuchilo'ob

sajbe'entsil yanik u níikil. Tu jo'oloj úuchik u yáax tíitikubáaj lu'um le viernes máaniko', yanchaj uláak' u yeets'tajil de 6.7 grados u chichil.

U chichil úuchil u péek lu'ume', leti'e' maas chich ts'o'ok u yantal ti' u ts'o'ok decadasil te'el noj lu'umo', ts'o'oke' tu beetaj u yantal saajkil tak mil kms tu bak'pachil epicentro, je'ex tu kaajil Bangkok, tu lu'umil Tailandia, tu'ux jkiim kex 19 máaki', úuchik u níikil jump'éel torre 30 u t'o'olil ka'achij.